

**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

17. Respondetur ad argumenta Hæreticorum superius in Resolutione
prima apposita, & additur ratio, quare D. Petrus respuit adorationem
Cornelij. Ex part. 11. tr. addit. res. etiam 17.

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

tribatum Cæsari , quod de iure non debebat : Illa autem verba, quæ Christus dixit Pilato : Nisi tibi datum esset defuper, permisissæ intelligenda sunt secundum Chrysostomum, & Cyrillam in hunc locum. Quia etiam ratione eodem capite intelliguntur illa verba Christi: Hæc est hora vestra, & potestas tenebrarum. Vbi non de potestate iurisdictionis, sed permissionis est sermo.

5. Ad secundum respondeo, quod Paulus iudicari voluit à Judice Cæsaris non de iure, sed de facto, vnde Röm. Pontifices non sunt de iure subditi Imperatoribus, licet de facto missi sunt plures in exilium, ut Liberius à Constantino, Siluerius à Theodoro, imò & depositi fuerint. Hæc omnia docet Franciscus de Castillio in 3 sent. 10. 2. disp. 16. 9. 12. qui postea n. 9. contra le obiicit, quod in aliis communitatibus prouisum est remedium contra Principes criminosos, & incorrigibiles, ut deponantur; ergo idem etiam potest fieri in Ecclesia respectu Romani Pontificis; alias Christus, non sufficienter prouidesset sua Ecclesiæ. Respondeo elle diuersam rationem, quoniam Principes aliarum Communitatibus recipiunt potestatem, & iurisdictionem ab ipsis, & ita propter tyrranidem, &c possunt ab eisdem deponi. At vero Romanus Pontifex non ab Ecclesiæ, sed à Christo accipit potestatem, & ita ab illa deponi nequit, nisi in eau hæresis, quod ipsum ius Divinum ostendit, dum dixit, hæreticum hominem deuita. Ad id autem, quod dicitur, quod Christus non sufficienter prouidesset sua Ecclesiæ. Respondeo Montesinus cum Caetano, cap. 27. ad 5. & cum D. Th. in 4. diff. 19. q. 2. art. 3. quæst. 3. ad 2. quod Romanus Pontifex immediate est sub prouidentia Dei, ad quem pertinet, aut non permittere, quod cadat in praedicta criminis, vel quod si cadat corrigitur, aut si non, quod tollatur è medio. Ad Ecclesiæ autem pertinet Deum orare, ut hæc præstet, & suos monere filios, ut agant paenitentiam suorum peccatorum, propter quæ sola Deus permetteret regnare malos Prelatos. Hucusque, Castillo,

6. Et idem rectè nouissimè Eminentissimi Domini mei Cardinales in Sacra Congreg. Indicis impoſuerunt nigrum thetæ super decisiones Vlispionenses Emanuelis Themudo Lusitanum in par. 1. decisi. 71. num. 14. afferbat cum Decio conf. 151. num. 6. Pontificem posse accusari, aut iudicari in crimine scandaloso, & licet dictus Themudo potest se correxit in quibusdam foliis immensis, & directis ad Eminentiss. Dominum meum Cardinalem Coccinum, quos penes me habeo; tamen in ipsis dicit aliqua, quæ etiam censura, & correctione indigent.

R E S O L . X V I I .

Respondetur ad argumenta Hæretorum superioris in Resolutione prima apposita, & adducitur ratio, quare D. Petrus respuit adorationem Cornelij: Ex part. 11. tract. addit. 1. Ref. etiam 17.

§. 1. **S**Vperest modò respondere ad argumenta, quæ contra licitam adorationem, qua Catholici Summos Pontifices venerantur, petulanter hæretici adducunt. Et primò afferunt, quod Act. 10. D. Petrus respuit adorari à Cornelio, & tamen hodie Pontifices honorem, quem Petrus recusavit cum magna exorbitantia non reverentur admittere. Respondeo, hoc Petrum effecisse, quia Cornelius aliud aliquid diuinum de illo cogitabat, ut obseruat D. Hieronymus Vigilant. & idèo ne erraret, noluit eius adorationem admittente; quod patet ex ipsis verbis, ait enim

Lucas: Petrus verò eleuauit eum, dicens, & ego ipse homo sum. Vnde ex sacra scriptura contextu poterant hæretici obseruare, priùs Cornelium occurruisse, deinde stratum ad pedes, tum ab Apostolo sublevarunt, ut illi ex animo errorem eriperet, quo sibi persuaserat Petrus Deum esse. Ergo ipsi tuerint ad pedes non obstitit Petrus, sed per errorem, hominem, qui Deo debetur, sibi deferenti obstat, ac erexit humo, dicens: Surge, ne feceris, & ego ipse homo sum.

2. Eodem pacto respondendum est ad alia exempla in contrarium adducta; vnde Castrus Palautoz. 11. 8. disp. 2. num. 2. sic ait: Quod si virgines hanc inferiorem adorationem noluissent sanctos viros aliis praeflare, nec sibi permittere, ut constat ex Epher. 3. 13; vbi Mardochæus noluit genuflextere Aman; & Petrus prohibuit Cornelium se adorare volentem Act. 10. & Paulus, & Barnabas recusarunt à Lycaonibus adorari Act. 10. & quidem Angelus prohibuit Ioannem, ne scipsum adoraret. Ergo convenientem non esse hominibus, & Angelis adorationem. Facilius est horum solutio. Mardochæus enim noluit genuflextere Aman, ne videretur homini, hominem Deo debitum deferre; erat enim mos Iudeis, nullum alium praeter Deum continuè honorare genuflexione, ut tradit Azor. l. 9. cap. 10. gnaſt. 3. Aman ergo non semel, aut iterum postulabat hunc honorem, sed continuè noluit ergo Mardochæus sic continuè honorare, ne scandalum præberet, & ne diuinum cultum ad hominem transferre videretur. Petrus verò ex modestia honorem alioquin sibi convenientem recusauit. Paulus item, & Barnabas adorationem illam recusarunt; quia Lycaones tanquam Ethnici, & Gentiles, adorationem Deo debitam illis præstare volebant. Angelus autem adorationem Ioannis recusauit, tum ex urbanitate, tum ut indicaret, quanti ab Angelis humana natura post Verbi assumptionem estimabantur: & præcipue quanti Sacerdotes, Apostoli, & Deo charissimi estimantur. Hucusque Palaus; cui adde Tannerum tom. 4. disp. 5. quæst. 2. dub. 1. num. 2. o. Petiramus in Genes. tom. 3. cap. 17. num. 7. 10. Lorimum in Act. Apóst. cap. 20. v. 2. Alanium Copum Dial. 3. cap. 7. Valent. tom. 3. disp. 6. quæst. 11. punct. 5. & ante omnes omnium Magistrum D. Th. in 2. 2. 9. 84 ad 1. vbi ita afferit; Secundum reverentiam quæ creaturæ excellenti debetur, Nathan adorauit David, secundum autem reverentiam, quæ debetur Deo, Mardochæus noluit adorare Aman timens ne honorem Dei transferret ad hominem, ut dicitur Epher. 13. Et similiter secundum reverentiam debitam creaturæ excellenti, Abraham adorauit Angelos, & etiam Iosue, ut legitur Iosue 5. quamvis possit intelligi, quod adorauerint adoratione laetæ Deum, qui in persona Angeli apparebat, & loquebatur. Secundum autem reverentiam, quæ debetur Deo, prohibitus est Ioannes Angelum adorare, Apoc. v. 10. tum ad ostendandam dignitatem hominis, quam adactus est per Christum, ut Angelis æquetur; vnde ibi subditur: Conseruus tuus sum, & fratum tuorum etiam ad excludendam idolatriæ occasionem; vnde subditur: Deum adora. Ita D. Th. quibus addit ex SS. Patribus D. Athanasium ser. 3. contra Arianos, & D. Augustin. 1. contra Faustum cap. 2. 1.

3. Rectè itaque exemplo Cornelij Centurionis, Pontifices ut successores D. Petri adoramus, & idem Cornelius à Lapide explanans locum Apoc. cap. 10. v. 25. sic afferit, Exemplo Cornelij fideles adorant Pontificem eumque genuflexi osculo pedis venerantur, quod novent hæretici. Ita ille, &c.

RESOL.